



Chistiona su Sardu!

Letzione N.2 S'addòbiu

Maistra: Luca e Mateu s'addòbiant in una carrera de sa bidda e a pustis agatant a Lionora e a s'amiga sua Marisa.

Luca: E bae, salude Mateu!

Mateu: Oh Luca, in giru ses? Ite novas?

Luca: Totu a postu, e tue?

Mateu: Totu bene, gràtzias. Bella sa partida eris eh?!

Luca: Oh, non mi nde chistiones... Pitica sa surra chi nos ant dadu!

Mateu: Ah, mancu male chi custa borta sa neghe non fiat de s'àrbitru...

Luca: Beh, no incumintzes tue puru como eh!...

Lio: Salude pitzocos!

Mateu: La' Lio! Passigende?

Lio: Ello. Bos presento un'amiga mea: Marisa. Marisa, issu est Mateu.

Mateu: Praghene.

Marisa: Praghene meu.

Lio: Marisa, issu est Luca.

Luca: Praghene.

Marisa: Praghene.

Micheli: Mi' chi si narant puru Pistocu e Chibudda!

Luca: Disgraziadu! Comente ti permetes!

Mateu: Nd'aprofitas ca ses cun sorre tua... Ungrullu!

Lio: Oh, lassa-lu istare! Già lu connoschides... Marisa est arribbada oe e est acasagiada in domo mea pro tres chidas. Como li so faghende bìdere unu pagu sa bidda.

Luca: Si cherides bos podimus fàghere cumpangia.

Marisa: Andat bene, toca ca andamus?